


05/19

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 10/05, 11/06, 13/11 i 15/17), a u vezi sa članom 76. stav (6) Zakona o izvršenju Budžeta Tuzlanskog kantona za 2025. godinu („Službene novine Tuzlanskog kantona“, br. 18/24 i 7/25), Vlada Tuzlanskog kantona na sjednici održanoj dana 16.09.2025. godine, d o n o s i

O D L U K U

o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva - podrška pokretanju vlastitog biznisa u turizmu za 2025. godinu



DIO PRVI - OSNOVNE ODREDBE

Član 1.

(1) Ovom odlukom se utvrđuju uslovi, kriteriji, način i postupak dodjele finansijskih sredstava definisanih budžetom Tuzlanskog kantona za 2025. godinu („Službene novine Tuzlanskog kantona“, br. 18/24 i 7/25) sa ekonomskog koda 614500, subanalitika MAD 503, funkcija 0473 – pomoć privrednim subjektima u oblasti turizma i ugostiteljstva, subvencije privatnim preduzećima i poduzetnicima za projekte u oblasti turizma i ugostiteljstva u iznosu od 100.000,00 KM (slovima: stohiljada konvertibilnih maraka), potrošačka jedinica 22010001 Ministarstvo trgovine, turizma i saobraćaja Tuzlanskog kantona (u daljnjem tekstu: Ministarstvo).

(2) Sredstva iz stava (1) ovog člana se raspoređuju u skladu sa članom 76. Zakona o izvršenju Budžeta Tuzlanskog kantona za 2025. godinu i planiranim sredstvima u Budžetu Tuzlanskog kantona za 2025. godinu.

Član 2.

Sredstva iz člana 1. ove odluke dodjeljuje obrtnicima/samostalnim privrednicima, malim i srednjim preduzećima, za subvencioniranje neto plaće ili dijela neto plaća jednog zaposlenog u privrednom subjektu koji je osnovan u djelatnosti turizma i ugostiteljstva maksimalno 12 mjeseci prije dana objave javnog poziva, u cilju podrške opstanku i razvoju novoosnovanih obrta i malih i srednjih preduzeća, razvoja turističke djelatnosti i jačanja konkurentnosti turističko - ugostiteljske ponude Tuzlanskog kantona.

Član 3.

Bespovratna sredstva se dodjeljuju korisnicima iz člana 2. Odluke kojih su registrovani za obavljanje osnovne djelatnost, prema klasifikaciji djelatnosti KD BiH 2010 („Službeni glasnik Bosne i Hercegovine“, broj: 47/10) u okviru:

Područja I DJELATNOSTI PRUŽANJA SMJEŠTAJA TE PRIPREME I USLUŽIVANJA HRANE (HOTELIJERSTVO I UGOSTITELJSTVO):

55	<i>Smještaj</i>
55.1	<i>Hoteli i sličan smještaj</i>
55.10	<i>Hoteli i sličan smještaj</i>
55.2	<i>Odmarališta i slični objekti za kraći odmor</i>
55.20	<i>Odmarališta i slični objekti za kraći odmor</i>

55.3	<i>Kampovi i prostori za kampiranje</i>
55.30	<i>Kampovi i prostori za kampiranje</i>
55.9	<i>Ostali smještaj</i>
55.90	<i>Ostali smještaj</i>
56	<i>Djelatnosti pripreme i usluživanja hrane i pića</i>
56.1	<i>Djelatnosti restorana i ostalih objekata za pripremu i usluživanje hrane</i>
56.10	<i>Djelatnosti restorana i ostalih objekata za pripremu i usluživanje hrane</i>
56.2	<i>Djelatnosti kateringa i ostale djelatnosti pripreme i usluživanja hrane</i>
56.21	<i>Djelatnosti kateringa</i>
56.29	<i>Ostale djelatnosti pripreme i usluživanja hrane</i>
56.3	<i>Djelatnosti pripreme i usluživanja pića</i>
56.30	<i>Djelatnosti pripreme i usluživanja pića</i>

Član 4.

- (1) Pravo na dodjelu poticajnih sredstava imaju aplikanti koji ispunjavaju sljedeće uslove:
 - 1) da imaju registrovano sjedište i poslovni objekat na području Tuzlanskog kantona,
 - 2) da su registrirani maksimalno 12 mjeseci prije dana objave javnog poziva,
 - 3) da imaju najmanje 1 (jednog) zaposlenog na neodređeno vrijeme,
 - 4) da imaju izmirene porezne obaveze (po osnovu direktnih i indirektnih poreza) i obaveze za penziono i zdravstveno osiguranje u skladu sa zakonskim odredbama,
- (2) Nisu prihvatljive aplikacije poslovnih subjekata koji su registrovani kao radnje "za privremeni rad", "za sezonski rad", iznajmljivači, kao i dopunske ili dodatne djelatnosti.
- (3) Obrtnici/samostalni privrednici i mala i srednja preduzeća koji su po istom osnovu koristili subvencije iz drugog izvora bez obzira na nivo vlasti nemaju pravo prijave na Javni poziv.

Član 5.

- (1) Sredstva iz člana 1. ove odluke namijenjena su za subvencioniranje neto plaće ili dijela neto plaća za jednog zaposlenika privrednog subjekta za svaki mjesec od njegovog osnivanja zaključno sa mjesecom koji prethodi mjesecu objavljivanja Javnog poziva.
- (2) Bespovratna sredstva će se dodijeliti aplikantima čija prijava bude ispunila tražene kriterije i osvojila potreban broj bodova.
- (3) Maksimalan iznos sredstava po jednom korisniku koji se može dodijeliti iznosi 12.000,00 KM (slovima:dvanaest hiljada konvertibilnih maraca).

DIO DRUGI - PROVOĐENJE JAVNOG POZIVA

Član 6.

- (1) Sredstva iz člana 1. Odluke dodjeljivat će se isključivo na osnovu javnog poziva i primjenom kriterija utvrđenih ovom Odlukom.
- (2) Ministar trgovine, turizma i saobraćaja Tuzlanskog kantona (u daljnjem tekstu: ministar) će u roku od 15 (petnaest) dana od dana donošenja Odluke raspisati javni poziv za podnošenje prijave za dodjelu bespovratnih sredstava u skladu sa Odlukom i Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“, broj 37/24).

- (3) Javni poziv objavljuje se na službenoj web-stranici Ministarstva i Vlade Tuzlanskog kantona (u daljnjem tekstu: Vlada Kantona).
- (4) Javni poziv bit će otvoren 15 (petnaest) dana od dana objave na službenoj web stranici

Član 7.

- (1) Uz prijavni obrazac na Javni poziv, čija forma će biti propisana uz Javni poziv, podnosilac prijave dostavlja:
- a) Rješenje o registraciji poslovnog subjekta, u stopostotnom vlasništvu podnosioca prijave, izdato od strane nadležnog organa - ovjerena fotokopija;
 - b) Rješenje o utvrđivanju minimalnih uslova za objekat - ovjerena fotokopija;
 - c) Uvjerjenje o registraciji poreznog obveznika izdato od strane Porezne uprave Federacije BiH - ovjerena fotokopija;
 - d) Obavještenje o razvrstavanju poslovnog subjekta prema klasifikaciji djelatnosti, izdato od strane Federalnog zavoda za statistiku - ovjerena fotokopija;
 - e) Izjavu o korištenim podrškama male vrijednosti
 - f) Ugovor o transakcijskom računu, zaključen između poslovne banke i poslovnog subjekta - ovjerena fotokopija;
 - g) Obrazac JS 3100 (prijava osiguranja zaposlenog u poslovnom subjektu na koga se odnosi subvencija neto plaće i doprinosa), izdato od Porezne uprave - ovjerena fotokopija,
 - h) Ugovor o radu za zaposlenika (za vlasnika i/ili osnivača nije potrebno) - fotokopija
 - i) Platne liste za period za koji se aplicira za subvenciju - fotokopija,
 - j) Bankovni izvodi kao dokaz odliva sredstava po osnovu isplaćenih plaća za lica za koja se traži subvencioniranje neto plaća – fotokopija,
 - k) Izjave potpisane od strane podnosioca prijave, koje će biti sastavni dio Javnog poziva.
- (2) Javnim pozivom može se propisati obaveza dostavljanja i druge dokumentacije ili podataka.
- (3) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (4) Neblagovremene prijave neće se uzeti u razmatranje.

DIO TREĆI - KOMISIJA, KRITERIJI ZA OCJENJIVANJE PRIJAVA I ODABIR PROJEKATA

Član 8.

- (1) Za obradu prijava po Javnom pozivu i odabir korisnika sredstava podrške za pokretanje vlastitog biznisa u turizmu za 2025. godinu ministar rješenjem imenuje Komisiju.
- (2) Komisija ima zadatak da, u skladu sa kriterijama i procedurama utvrđenim Javnim pozivom, koji proizilazi iz ove Odluke, izvrši pregled dokumentacije i bodovanje, sačini preliminarnu rang listu korisnika sredstava i listu podnosilaca prijava čije su prijave neblagovremene, nepotpune i neosnovane, te iste objavi na web stranici Ministarstva i Vlade Kantona.
- (3) Na objavljene liste podnosioci prijava imaju pravo prigovora koji se podnosi ministru u pisanoj formi, u roku od 5 (pet) dana od dana objavljivanja listi na web stranici Ministarstva i Vlade Kantona.
- (4) Nakon rješavanja po podnesenim prigovorima u roku od 5 (pet) dana od dana isteka roka za podnošenje prigovora, ministar donosi odluku o utvrđivanju konačne rang liste korisnika sredstava sa iznosima odobrenih poticajnih sredstava, i ista se objavljuje na web stranici Ministarstva i Vlade Kantona
- (5) U skladu sa odlukom iz stava (4), sa odabranim korisnicima se u roku od 15 (petnaest) dana od objavljivanja konačne liste, zaključuje ugovor kojim će se definisati međusobna prava, obaveze, odgovornosti i rokovi realizacije projekta.

Član 9.

(1) Kriteriji za izbor korisnika su:

- a) Vrsta oblasti-grana u okviru djelatnosti u kojoj je aplikant registrovan,
- b) Kategorija zaposlenih (muškarci, žene, mladi do 35 godina, osobe s invaliditetom),
- c) Poslovanje subjekata male privrede u jedinicama lokalne samouprave razvrstane prema indeksu razvijenosti.

Red. br.	Kriterij	Uslovi	Broj bodova	Izvor verifikacije koji je obavezujući za podnosioca prijave
1	Oblast – Grana u okviru djelatnosti	55.2 Odmarališta i slični objekti za kraći odmor	10	Obavještenje o razvrstavanju poslovnog subjekta prema klasifikaciji djelatnosti, izdato od strane Federalnog zavoda za statistiku
		55.3 Kampovi i prostori za kampiranje	9	
		55.9 Ostali smještaj	8	
		55.1 Hoteli i sličan smještaj	7	
		56.1 Djelatnost restorana i ostalih objekata za pripremu i usluživanje hrane	6	
		56.2 Djelatnost keteringa i ostale djelatnosti pripreme i usluživanja hrane	5	
		56.3 Djelatnosti pripreme i usluživanja pića	4	
2	Spol/Pol	Muškarci	4	Prijavni obrazac, JS3100
		Žene	5	
3	Kategorija zaposlenih za koji se podnosi prijava za subvencioniranje plaća i doprinosa.	Mladi do 35 godina	4	Prijavni obrazac, dokaz o invalidnosti, JS 3100
		Osobe sa invaliditetom	5	
4	Poslovanje subjekata male privrede u jedinicama lokalne samouprave razvrstane prema indeksu razvijenosti.	Izrazito nerazvijene JLS	10	Uredba o izradi indeksa razvijenosti u FBiH
		Nerazvijene JLS	8	
		Razvijene JLS	6	

- (2) Pravo na subvenciju ostvaruju aplikanti koji imaju minimalno 18 bodova.
- (3) Ukoliko raspoloživa sredstva iz člana 1. Odluke budu dostatna u odnosu na zahtijevana sredstva aplikantima, aplikantima koji zadovoljavaju kriterije iz stava (1) i (2) ovog člana, bit će odobrena sredstva u visini traženih sredstava navedenih u prijavnim obrascu, a koja ne mogu prelaziti maksimalni iznos sredstava iz člana 5. Odluke.
- (4) Ukoliko raspoloživa sredstva iz člana 1. Odluke ne budu dostatna u odnosu na zahtijevana sredstva aplikantima, aplikantima će se odobravati sredstva srazmjerno ostvarenom broju bodova u odnosu na ukupan broj bodova predviđenih za kriterije iz stava (1) ovog člana.
- (5) Ukoliko nakon dodjele sredstava korisnicima koji su zadovoljili kriterije iz stava (1) i (2) ovog člana dio sredstava ostane neraspoređen, Ministarstvo će Vladi Kantona predložiti donošenje nove odluke o utrošku sredstava za iste ili slične namjene, ili preraspodjelu sredstava.
- (6) Sve sumnje na zloupotrebu odobrenih bespovratnih sredstava će biti istražene i potrebi sankcionisane u skladu sa zakonom.

DIO ČETVRTI – ZAVRŠNE ODREDBE

Član 10.

- (1) U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
- (2) U slučaju nedostatka sredstava u Budžetu Tuzlanskog kantona obustavlja se realizacija dodjele sredstava.
- (3) Ministarstvo ne snosi troškove nastale u vezi sa prijavom na Javni poziv.
- (4) Prispjela dokumentacija će se podnosiocima prijava vratiti samo na pismeni zahtjev u slučajevima da se Javni poziv poništi ili da se u slučaju nedostatka sredstava u Budžetu Tuzlanskog kantona obustavi realizacija dodjele sredstava.

Član 11.

Za realizaciju Odluke zadužuju se Ministarstvo i Ministarstvo finansija Tuzlanskog kantona, svako u okviru svojih nadležnosti.

Član 12.

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

PREMIJER KANTONA

Irfan Halilagić

Broj: 02/1-18-26 034/25
Tuzla, 16.09.2025. godine